

**43avla radunonza generala dil Selvaclub Sagogn
vendergis, 4. november 2016, ustria Sil Plaz**

Perstgisas: Michael Cadruvi, Kevin Camathias, Fränzi Bruhin e Kurt Gruber

Presents: 20 personas (tenor gliesta)

- Tractandas:**
1. Beinvegni
 2. Elecziun dumbravuschs
 3. Protocol radunonza generala 2015
 4. Rapports annual
 - a) dil president
 - b) dils caus Giuventetgna + Sport (Patric Caderas, Janic Camathias)
 5. Rendaquen
 6. Rapport dils revisurs ed approbaziun dil quen
 7. Preventiv 2016/2017
 8. Contribuziun annuala
 9. Elecziun d'in niev commember da suprastonza
 10. Program da lavur 2016/17
 11. Orientaziuns e varia

1. Beinvegni

Il president ad interim, Lucien Stern, beneventa cordialmein tut ils presents.

El menziuna che la radunonza ei stada publicada 2 gadas el Fegl Official ed ella Ruinaulta.

2. Elecziun dumbravuschs

Gion Darms vegn elegius sco dumbravuschs.

3. Protocol radunonza generala 2015

Il potocol han ins saviu leger silla pagina dil Selvaclub ed el ei staus a disposiziun da prender envesta mes'ura avon la radunonza. El vegn buca pli prelegius.

Il protocol vegn approbaus unanimamein.

4. Rapport annual

a) dil president

En siu rapport resumescha il president la stagiun d'unviern 2015/16 sco suonda :

Ei ha dau fetg pauca neiv, denton per menar atras la cuorsa EnergiAlpina ils 23-1-2016 ha ella gest aunc tonschiu. La loipa ha saviu vegnir preparada per rodund 2 jamnas. Duront quei temps era naturalmein era la Tegia Nordica aviarta. En quei cuort temps eisi per cletg curriu ualti bia. Insumma ei la tegia nova ina super caussa. La renovaziun ha dau bia lavur, mo quella ha en mintga cass rendiu! Nus astgein esser loschs sin nies niev local dil club. Cheu exprima il president aunc ina gada in grond «engraziel fetg» a tut ils gidonters e mistergners! Nossa JO dumbrava gl'unviern vargau 32 affons! Cun quei diember da curriders giuvens ei nies club in dils gronds (sche buca insumma il grond) en Surselva! Che nus havein schi biars affons egl JO ei il meret da nos super trenaders! Els sesprovan adina da porscher in trenament variont e legher, denton tuttina era pretensius. In cordial engraziament a tuts trenaders per lur grond engaschi a favur dils affons. Era in cordial engraziment als geniturs per il grond sustegn, al fidau preparader dils skis Sepi, al coach da G+S Roman, agl anteriur president dil club, Martin Bundi, per tgirar la homepage, a tut ils gidonters ed als

consuprastonts. Il president finescha siu rapport culla constataziun „il Selvaclub viva e quei ei grondius“!

b) Rapport dils caus G + S, Patric Caderas e Janic Camathias

La sesiun 2015/16 ha entschiet ils 12 da settember 2015. Ils 27 da settember ein 17 affons separtizpai al gi da sport dil SST vi Flem. Suenter las vacanzas d'atun, ils 27 october havein nus lu entschiet a trenar en halla da gimnastica. Mintgamai 20-25 affons ein vegni a trenar, aschia che la halla era bunamein in tec pintga per tuts! Pervia da munconza da neiv han biars trenaments giu liug sil Plaun ed il davos aunc si Dutga. Il punct culminont eran segir ils gis da G+S a Celerina, als quals 14 curriders han priu part. Per gl'unviern proxim ei la finamira, da separticipar cun dapli affons a quels dus gis. Naturalmein essan nus era separticipai allas cuorsas digl EnergiAlpina Cup. La participaziun allas differentas cuorsas era detg buna. Alla fin engrazia Patric al coach Roman, als ulteriurs trenaders, alla suprastonza ed en special a tuts geniturs ch'ei segidai cun transports, etc. durant gl'unviern vargau. In compliment special fa Patric a quels geniturs che gin mintgamai giu il trenament, sche lur affon sa buca esser dalla partida.

5. Rendaquen

Il cassier, René Wellinger, declara il quen annual 2015/16. La facultad dil Selvaclub munta ils 30-10-2016 a frs. 56'324.20. Grazia al gudogn da frs. 4'440.50 cun menar l'ustria al marcau dil vitg havein nus era uonn in surpli en cassa, malgrad las schliatas relaziuns da neiv.

6. Rapport dils revisurs

Ils revisurs Enrico Arpagaus e Hans Niederberger han constatau che tut las quittanzas ein avon maun e che la contabilitad vegn menada schuber e bein. Hans engrazia a René per la buna lavur prestada. Il quen vegn approbaus unanimamein.

7. Preventiv 2016/17

Per la proxima stagiun ei René buca fetg optimistic. El quenta cun ina sperdita da frs. 2'280.--. Lucien engrazia a nies premurau cassier René per sia grondiusa lavur.

8. Contribuziun annuala

La contribuziun annuala pils commembers resta sco tochen ussa sin frs. 40.—. Ils commembers pagan lu mo frs. 100.— pigl abo dall'entira Svizra, buca commembers frs. 140.--.

9. Elecziun d'in neiv comember da suprastonza

Isidor Caderas ha decidiu da demissionar sco suprastont el Selvaclub. Suenter gitg encurir eis ei gartegiau da perschadir Harald Schöpf. El ei prompts da surprendre il post cun tut las incaricas dad Isidor. Harald vegn elegius unanimamein cun in grond applaus. Harald pren il plaid ed engrazia per la confidanza viers el.

10. Program da lavur 2016/17

Test da skis	07-01-2017
Gi da fuffergnadi cuorsa liunga	08-01-2017
Cuorsa EnergiAlpina Cup a Sagogn	21-01-2017
Fiasta da neiv	05-02-2016

11. Orientaziuns e varia

Igl ei puspei previu d' illuminar la loipa il margis e la gievgia, mintgamai dallas 18.00-21.00 uras (cun tualetta publica aviarta).

Ils affons digl JO pagan era uonn ina contribuziun da frs. 100.— incl. vestgadira.

Petra Cavelti damonda daco ch'il club hagi decidiu da far la cuorsa EnergiAlpina sil Plaun (en cass da munconza da neiv cheu a Sagogn). Quei seigi cumpliau ed insumma buca favoreivel pils geniturs/famiglia dils curriders d'utro. Lucien declara che nus hagian tractau quei en suprastonza e ch'igl eri fatg giu in prezi da transport pauschal per tut ils affons e lur menaders. La suprastonza ed ils trenaders han era aunc viu ei sco in midament special. Lucien menziuna aunc ch' il viadi p.expl. a Sedrun cun auto seigi era buca gratuits. Igl ei aunc buca decidiu en caussa per 2016/17.

Avon che serrar la sesida surdat Lucien aunc in schenghetg a nies zun premurau consuprastont, Isidor. Lucien engrazia per la gronda lavur prestada duront varga 10 onns en favur dil club. Sco Isidor gi, eran ils gis da G+S cantunals che Sagogn e Castrisch han menau atras comunablamein ils 18./19.02.2006 il punct culminot da siu temps el Selvaclub. Isidor declara ch'el seigi vinavon prompts da segidar, sch'ei fetschi basegns. El retscheiva grond applaus da tuts presents.

Lucien pren aunc cuort il plaid en atgna caussa. El declara, ch'el seigi prompts da far siu uffeci sco president per aunc exact in onn. Quei vul pia gir ch'il Selvaclub sto ir alla tscherca d'in niev president tochen alla proxima radunonza generala!

Allas 21.30 siara il president la radunonza. El engrazia a tuts presents per l' atenziun ed envida da star aunc in mument da cumpignia.

Sagogn ils, 13 da november 2016

L'actuara
Amanda Beeli